

AMALIY MASHG'ULOT
MAVZU: RASMIY ISH YURITISH ASOSLARI HAQIDA. ARIZANING
YOZILISH TARTIBI
ARIZA

Ariza biror muassasa, tashkilot, xo'jalik yoki rahbar xodim nomiga iltimos, taklif hamda shikoyat mazmunida yoziladigan rasmiy hujjat hisoblanadi. Hujjatlar ichida ariza ijtimoiy hayotimizdagi eng ko'p qo'llaniladigan rasmiy hujjatdir.

Oliy o'quv yurtlari, kollejlari va litseylarda talabalar uyidan joy olish to'g'risida, bir fakultetdan boshqasiga yoki bir institutdan boshqa turdosh institutga o'tkazish paytida, akademta'til olish jarayonida yoziladigan arizalar keng tarqalgan. Ishlab chiqarishda esa ishga qabul qilish yoki ishdan bo'shash haqidagi, boshqa vazifaga o'tkazish, mehnat yoki o'quv ta'tillari so'rash to'g'risidagi arizalar serunum qo'llaniladi.

Tuzilishiga ko'ra arizalar oddiy va murakkab turlarga ajratiladi. Oddiy arizalarda iltimoslar izohsiz va ilova-hujjatlarsiz taqdim etiladi. Murakkab ariza matni katta bo'lishi bilan birga, iltimos, taklif va shikoyatlarga izohlar batafsil bayon etiladi va unga ilovalar qilinishi ham mumkin.

Arizalar quyidagi zaruriy qismlar asosida yoziladi:

1. Ariza taqdim etiladigan muassasa, tashkilot, xo'jalikning nomi yoki rahbar xodimning unvoni, vazifasi, ismi, ota ismi va familiyasi.
2. Ariza beruvchining vazifasi, unvoni, ismi, ota ismi va familiyasi (zarur o'rinda ariza beruvchining turar joyi ko'rsatilishi mumkin).
3. Hujjatning nomi (Ariza).
4. Asosiy matn (taklif, iltimos, shikoyat).
5. Arizaga ilova qilinadigan hujjatlar nomi (zarur bo'lganda).
6. Ariza yozilgan vaqt (yil, kun, oy) qog'ozning chap tomonida yoziladi.
7. Ariza yozuvchining imzosi.
8. Ariza yozuvchining ismi va ota ismining bosh harflari qayd etilib, familiyasi to'liq keltiriladi.
9. Odatda, ariza bir nusxada va ruchka bilan yoziladi.

Namunalar

Quyida berilgan ariza namunalariga e'tibor bering, zaruriy qismlar joylashishini yodda saqlang.

Termiz davlat universiteti Kimyo va
texnologiya fakulteti dekani kimyo
fanlari doktori prof. H.To‘rayevga
Kasbiy ta‘lim (5320900-Engil sanoat
buyumlari konstruksiyasini ishlash va
texnologiyasi yo‘nalishi 3-kurs 305-
guruh talabasi Qayumova Zarina
Oqbo‘tayevnadan

Ariza

Boshqa viloyatdan kelganligimni e‘tiborga olib, menga talabalar uyidan joy
berishingizni so‘rayman.

2020-yil 25-sentabr

(imzo)

Z.O. Qayumova

“Amudar Textili” MCHJ QK

direktoti B.Q.Karimovga

Termiz shahar

“Bogishamol” MFYda yashovchi

Karimov Salim Akbarovichdan

Ariza

Meni o‘z mutaxassisligim bo‘yicha ishga **qabul qilishingizni so‘rayman.**

Kerakli hujjatlar arizaga ilova qilindi.

2020-yil 17-oktabr

(imzo)

S.A.Karimov

Topshiriq

1. Qaysi hollarda ariza yozishga zarurat tug‘iladi?
2. Arizani to‘g‘ri yozish uchun qanday zaruriy qismlar bo‘lishi lozim?
3. Quyidagi ariza namunalarini ko‘chiring va ajratilgan so‘z va so‘z birikmalarini
esda saqlang.

Namuna

Termiz davlat universiteti
rektori A.H.Toshqulovga
Kimyo va texnologiya fakulteti Kasbiy
ta‘lim (5320900-Engil sanoat buyumlari
konstruksiyasini ishlash va texnologiyasi
yo‘nalishi 3-kurs 305-guruh talabasi
Qayumova Zarina Oqbo‘tayevnadan

Ariza

Sog‘ligim yomonlashganligi va uzoq muddat davolanishim zarurligi tufayli
menga bir yillik o‘quv (akademik) ta‘tili **berishingizni so‘rayman.**
Arizamga tibbiyot muassasasining xulosasi ilova qilindi.

0000.00.00

(imzo)

Z.O.Qayumova

Termiz davlat universiteti Kimyo
va texnologiya fakulteti dekani
kimyo fanlari doktori prof.
H.To'rayevga
Kasbiy ta'lim (5320900-Engil
sanoat buyumlari konstruksiyasini
ishlash va texnologiyasi yo'nalishi
3-kurs 305-guruh talabasi
Qayumova Zarina
Oqbo'tayevnadan

Ariza

Kasalligim tufayli qishki imtihon va sinovlarni vaqtida topshira
olmadim. Ana shu imtihon va sinovlarni topshirishga ruxsat berishingizni
so'rayman.

Arizamga kasalligim haqidagi vrach ma'lumotnomasi ilova qilindi.

0000.00.00

(imzo)

Z.O.Qayumova

1-mashq. Quyidagi so'z va so'z birikmalarini daftaringizga yozing. Ularning
ma'nolarini bilib oling.

*Ariza, ariza beruvchi, taklif, iltimos, shikoyat, ilova, ilova qilindi, zaruriy qismlar,
so'rayman, iltimos qilaman, ta'til, munosabati bilan.*

2-mashq. Ariza yozishda foydalaniladigan quyidagi qoliplashgan birikmalarni esda
tuting. Ular ishtirokida gaplar tuzing.

*... qabul qilishingizni so'rayman, ... ta'minlashingizni so'rayman, ... ozod
etishingizni so'rayman, ... ruxsat berishingizni so'rayman, ... fakultetiga
o'tkazishingizni so'rayman.*

3-mashq. Quyida berilgan matnni ariza sxemasiga to'g'ri joylashtiring.

Ana shu imtihon va sinovlarni topshirishga ruxsat berishingizni so'rayman. Termiz
davlat universiteti Kimyo va texnologiya fakulteti dekani kimyo fanlari doktori prof.
H.To'rayevga. Ariza. Arizamga kasalligim haqidagi vrach ma'lumotnomasi ilova
qilindi. Z.O.Qayumova. 2020.20.02. 3-kurs talabasi Qayumova Zarina
Oqbo'tayevnadan. Kasallagim tufayli qishki imtihon va sinovlarni o'z vaqtida
topshira olmadim.

Bu birikmani yodda saqlang!

<p>Mening o'qishimni Kimyo va texnologiya fakultetiga o'tkazishingizni so'rayman</p>

4-mashq. Quyida qavsda berilgan so'zlarga tegishli kelishik qo'shimchalarini
qo'shing. Kelishiklarning nomini ayting.

(Soli Akbarov) arizasi kafedra yig'ilishida ko'rib chiqildi. (Men) ishga qabul
qilishini so'rab (fermer xo'jaligi raisi) murojaat qildim. (Men) iltimosimni inobatga

olsa kerak deb o'ylayman. 3-kurs talabasi Mo'minova Shahnoza (talabalar uyi) joy berishini so'rab, fakultet kasaba uyushmasi (tashkiloti) murojaat qildi. Mo'minova Shahnoza Kimyo va texnologiya (fakulteti) o'tkazishini so'rab, (rektor) ariza yozdi. (Ariza) tegishli hujjatlarni ilova qildi.

5-mashq. Nuqtalar o'rniga mashqqa ilova qilingan so'zlardan foydalanib, iltimosingizni (taklifingizni) ariza shaklida izohlang.

Kasalligim tufayli ... so'rayman. Diplom ishi yuzasidan qo'shimcha materiallar yig'ish uchun ... so'rayman. Moddiy jihatdan qiynalganligim tufayli ... so'rayman. Maktablardan ... biriga so'rayman.

Ilova: akadenta'til berishingizni, kimyo fani o'qituvchisi qilib yuborishingizni, yordam berishingizni, biror xo'jalikka yuborishingizni.

Bu birikmani yodda saqlang!

Tanlovda g'olib chiqqanligim munosabati bilan

6-mashq. Arizada qo'llaniluvchi quyidagi birikmalarni yozib oling va yodda tuting. Ular ishtirokida gaplar tuzing.

O'z ixtiyoringa ko'ra, lavozimiga, lavozimidan, ijozat berishingizni so'rayman, kasalligim tufayli, shuning uchun, munosabati bilan, ilova qilindi, ozod etishingizni so'rayman, o'zim haqimda quyidagilarni ma'lum qilaman, masalani hal qilishga yordam bering, boshqa shaharga ketishim munosabati bilan, moddiy qiyinchilik sababli, mehnat ta'tili bering, mehnat ta'tili muddatini cho'zib bering, ilova qilingan hujjatlar asosida.

7-mashq. Bu ariza kim nomiga yozilgan. O'ylang va ayting. Arizani zaruriy qismlar asosida to'ldiring.

Meni Biologiya fakultetidan Kimyo va texnologiya fakultetiga o'tkazishingizni so'rayman.

H.Abrayev

Topshiriq

Quyidagi mazmunda ariza namunalari yozing:

1. Ishga joylashish to'g'risida.
2. Ishdan bo'shash to'g'risida.
3. O'qishni bir bo'limdan ikkinchi bo'limga o'tkazish to'g'risida.
4. O'quv (akadem) ta'til berilishi to'g'risida.